

ia ki te moni kia kaua e neke atu i te kotahi pauna mo te hara tuatahi, kia kaua e neke atu i te rua pauna mo te hara tuarua a ki te hara i muri iho e ahei ana kia whakakorera tona raihana.

(6.) E kore e pai kia tukua tetahi tamaiti Maori, kaore nei ano i eke nga tau ki te tekau ma rima, kia purei pirioete i roto i tetahi whare pirioete whai raihana, a mehemea ka kitea e purei ana i reira, ka ahei kia whiua te tangata i a ia te raihana, te tangata ranei e tiaki ana i te whare pirioete, ki te moni kia kaua e neke atu i te rima pauna mo te hara tuatahi, a mo te hara tuarua ka ahei te Kaunihera ki te whakakore i te raihana.

(7.) Ki te hiahia kia whakahoutia te raihana me tuku mai te tono i mua atu o te wa e mutu ai te mana o te raihana.

(8.) Ko te tamaiti Maori kaore nei ano nga tau i eke ki te tekau ma rima e kitea ana e purei pirioete ahakoa i hea, ka ahei kia whiua ki te moni kia kaua e neke atu i te rima hereni mo te hara tuatahi, kia kaua e neke atu i te tekau hereni mo te hara tuarua, kia kaua e neke atu i te kotahi pauna mo te hara tuatoru mo ia haranga ranei o muri iho.

(9.) Ko te tangata nana tetahi whare pirioete, teepu pirioete ranei i roto i tetahi kainga Maori, a ko te tangata Maori nana tetahi whare pera, teepu pera ranei i tetahi atu wahi i roto i te takiwa haunga ia nga taone (engari nga rota Maori i roto i tetahi taone Maori) me nga kainga Pakeha, mehemea kaore ia i whiwhi i te raihana a te Kaunihera, ka ahei kia whiua ia ki te moni kia kaua e neke atu i te rua tekau ma rima pauna.

(10.) Ko te tangata e kitea ana e purei moni ana, ahakoa he purei kaari ko etahi atu takaro ranei (haunga ia te pirioete ki nga wahi i ata raihanatia) i roto o te rohe o tetahi kainga Maori, ka ahei kia whiua ia ki te moni kia kaua e neke atu i te tekau hereni mo te hara tuatahi, kia kaua e neke atu i te kotahi pauna mo te hara tuarua, kia kaua e neke atu i te rua pauna mo ia haranga o muri iho.

(11.) Ko te tangata nana tetahi whare, e noho ana ranei i roto i tetahi whare i roto i tetahi kainga Maori, mehemea e tukua ana e whakaetia ana ranei e ia te purei moni (haunga ia te pirioete ki nga wahi i ata raihanatia) ki roto i taua whare, ka ahei kia whiua ki te moni kia kaua e neke atu i te kotahi pauna mo te hara tuatahi, kia kaua e neke atu i te rua pauna mo te hara tuarua, kia kaua e neke atu i te rima pauna mo ia haranga o muri iho.

(N.) NGA KOMITI MARAE.

67. Ka ahei te Kaunihera ki te tuku i katoa i tetahi ranei o ona mana i raro i nga tikanga whakahaere kua whakatakotoria ake nei, ki tetahi Komiti Marae, a hei reira ka whaimana taua Komiti ki te whakahaere i aua mana i roto i tona kainga.

Ka ahei te Komiti Marae ki te whiua a ki te whaina mo te takahanga i tetahi tikanga whakahaere, engari mehemea ki te kore e utua taua whaina i roto i te takiwa i whakaritea ai, me tuku atu o te Tiamana o te Komiti te whakaatu o taua takahanga me nga kupu whakamarama o te take me te korenga i utua te whaina, ki te Tiamana o te Kaunihera.

68. Ma te Kaunihera e whakarite he whaina mo nga paero kaore i whakahuatia te whaina.

KUPU APITI.

Ki a [Ingoa].

Ahua A.

[Kainga].

TENA KOE: He tono atu tenei ki a koe kia whakapaia, kia meatia ranei e koe kia whakapaia to whare i roto i nga ra o i muri iho i te taenga atu o tenei panui ki a koe. A he whakatupato atu tenei ki a koe, mehemea, i muri iho i te taenga atu o tenei panui ki a koe, ka kore koe e rongu, ka turi ranei koe i roto i te takiwa i whakaritea ki te whakatutuki i te whakahau a tenei panui, tera koe e whiua kia utu i te moni kia kaua e neke atu i te kotahi pauna.

I tuhia i te o nga ra o , 19 .

Tiamana [Karakara ranei] o te Whanganui Kaunihera
[Hiiri.] [o te Komiti Marae ranei].

Ahua B.

RAIHANA HOOKA.

KIA mohio koutou kua whakamanaia a , he tangata harihari taonga hei hokohoko, ki te hoko haere ona taonga i roto i nga kainga Maori o te takiwa o te Kaunihera o Whanganui mo te tau kotahi timata atu i tenei ra.

I tukua i raro te hiiri o te Kaunihera Maori o te Takiwa Maori o Whanganui, i te o nga ra o , 19 .

[Hiiri.] Tiamana [Karakara ranei] o te Kaunihera.

Ahua C.

RAIHANA PIRIOETE.

KIA mohio nga tangata katoa kua whai raihana a ki te whakahaere i tetahi whare-pirioete i mo te tau kotahi i muri iho i te ra o tenei raihana, i raro i te mana o nga tikanga-whakahaere a te Kaunihera.

I tukua i raro i te hiiri o te Kaunihera Maori o te Takiwa Maori o Whanganui, i te o nga ra o , 19 .

[Hiiri.] Tiamana [Karakara ranei] o te Kaunihera.

I paahitia enei tikanga-whakahaere i te hui o te Kaunihera Maori o te Takiwa Maori o Whanganui, i tu ki Parikino i te 3 o nga ra o Hurae, 1921, a i tukua atu i raro i te hiiri o te Kaunihera.

[Hiiri.] TANGINOVA TAPA, Tiamana.

Ina hoki te hainatanga a te Kawana-Tianara i tenei ra, 10 o nga ra o Oketopa, 1921.

J. G. COATES, Minita mo nga Mea Maori.

He Whakaaturanga i te Hiahia ki te tango Whenua i roto i Poraka III, i te Takiwa Ruuri o Rangitaiki Whakarunga, hei rori kia Ngawari ai te whakahaerenga i nga Awakeri me era atu Mahi i whakamana e te Ture mo nga Whenua Awakeri o Rangitaiki, 1910, kia Ngawari ake ai hoki nga Tuku i nga Whenua Karauna me etahi atu Whenua i roto i te Takiwa i Wehea e taua Ture.

HE whakaaturanga tenei e hiahitia ana kia tangohia i raro i nga tikanga o te Ture mo nga Mahi mo te Katoa, 1908, me te Ture mo nga Whenua Awakeri o Rangitaiki, 1910, nga whenua kua whakamaramatia i roto i te Kupu Apiti ki tenei kia ngawari ai te whakahaerenga i nga awakeri me era atu mahi, kua whakamanaia e te Ture tuarua e mau i runga nei, kia ngawari ake ai nga tuku i nga whenua Karauna me etahi atu whenua o roto i te Takiwa i wehea e taua Ture. A he whakaaturanga ano hoki tenei ko te mapi o nga whenua e hiahitia nei kia tangohia kua oti te whakatakoto ki roto ki te Poutapeta i Te Teko, a e takoto tuwhera ana i reira hei tiro-tirohanga; a ko nga tangata katoa e pangia ana e te tangohanga o aua whenua, mehemea he take tika a ratou hei whakahe ki te tangohanga i aua whenua, me tubituhia taua whakahe a me tuku taua whakahe, i roto i nga ra e wha tekau i muri iho i te putanga tuatahi o tenei panuitanga, ki te Minita mo nga Mahi mo te Katoa, ki Poneke.

KUPU APITI.

NGA eka o nga pihi o nga whenua e tangohia ana:—

			Hei Rori.			
E.	R.	P.	Ko tetahi Wahi o		Te Kara i runga i te Mapi he	
0	1	18.7	Tekiona 61	Whero.
3	2	22	..	80	..	Papuru.
3	0	21	..	81	..	Whero.
0	0	5.5	..	22
0	1	11.8	..	22
0	1	28.7	..	22

Hei Awakeri me era atu Mahi.

			Ko tetahi Wahi o		Te Kara i runga i te Mapi he	
E.	R.	P.				
5	0	27	Tekiona 1A 3 me 1A 4	Whero.
0	2	30	..	1A 3 me 1A 4
0	0	5.8	Rota 61

Kia Ngawari ai te Tuku Whenua Karauna me etahi atu Whenua o te Takiwa i wehea e te Ture mo nga Whenua Awakeri o Rangitaiki, 1910.

			Ko tetahi Wahi o		Te Kara i runga i te Mapi he	
E.	R.	P.				
16	1	24	Tekiona 1A 3 me 1A 4	Whero.

Kei roto i te Parihi o Rangitaiki, Poraka III, Takiwa Ruuri o Rangitaiki Whakarunga (Akarana R.D.). (S.O. 21420.)

Kei roto i te Takiwa Whenua o Akarana; kua ata whakaturia i runga i te mapi kua maakatia P.W.D. 51626, kua pania ki nga kara e mau i runga ake nei, kei roto i te tari o te Minita mo nga Mahi mo te Katoa i Poneke, e takoto ana i roto i te Takiwa Whenua o Poneke.

Ina hoki toku ringa i Poneke, i tenei te 18 o nga ra o Hanuere, 1922.

J. G. COATES, Minita mo nga Mahi mo te Katoa.